



Broj: 05/02-04-24618-7/23
Sarajevo; 10.07.2023. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

PREDMET: Odgovor na zastupničku inicijativu zastupnice Admele Hodžić - dostavlja se

V E Z A : Vaš akt broj: 01-04-24618-7/23 od 30.05.2023.godine

Na Osmoj radnoj sjednici Skupštine Kantona Sarajevo održane dana 30.05.2023. godine, u okviru tačke Dnevnog reda "Poslanička/zastupnička pitanja, inicijative i odgovori", zastupnica Admela Hodžić uputila je zastupničku inicijativu kako slijedi:

"Na osnovu članova 106. i 213. Poslovnika Skupštine Kantona Sarajevo ("Službene novine Kantona Sarajevo", broj: 41/12 – drugi novi prečišćeni tekst, 15/13, 47/13, 47/15, 48/16, 9/20 i 14/20) podnosim inicijativu Vladi Kantona Sarajevo da u što skorije vrijeme u saradnji sa stručnjacima iz oblasti ostvarivanja zakonskih prava o zapošljavanju osoba s invaliditetom i **Fondom za podsticanje rehabilitacije i zapošljavanja lica s invaliditetom** pripremi i realizira edukativne prezentacije o značaju ostvarivanja zakonskih prava za ovu populaciju u Kantonu Sarajevo s posebnim akcentom na svako šesnaesto radno mjesto u javnom sektoru **prema Zakonu o profesionalnoj rehabilitaciji, osposobljavanju i zapošljavanju lica s invaliditetom** ("Službene novine Federacije BiH", br. 9/10), te edukacije za sredstva koja se uplaćuju u Fond s detaljnim pojašnjenjem s usporednim pokazateljima o tome koliko osoba s invaliditetom ima benefita od jednog radnog mjesta, a koliko od uplate u Fond ukoliko se osoba uposli javnim pozivom. Takođe, provesti edukaciju donosiocima odluka o svakoj narednoj sistematizaciji radnih mjesta u javnom sektoru o poboljšanju kreiranja i prilagodavanja svakog šesnaestog radnog mjesta, ukoliko je to moguće. osobama s invaliditetom.

OBRAZLOŽENJE

NA PARKING MJESTU KOJE JE REZERVIRANO ZA OSOBE SA INVALIDITETOM PIŠE "AKO STE ZAUZELI MOJE PARKING MJESTO, UZMITE I MOJU INVALIDNOST".

ISTI NATPIS TREBA POSTAVITI U SVIM MINISTARSTVIMA, JAVNIM USTANOVAMA, JAVNIM PREDUZEĆIMA I SVIM OSTALIM USTANOVAMA. "AKO STE ZAUZELI MOJE RADNO MJESTO UZMITE I MOJU INVALIDNOST".

Moramo raditi na podizanju svijesti prvenstveno u javnom sektoru i o tome da mjesečnom uplatom od oko 280 KM u Fond za podsticanje rehabilitacije i zapošljavanja lica s invaliditetom novčani iznos u visini 25% od prosječne plaće u Federaciji za svako lice s invaliditetom koje su bili dužni zaposliti u skladu sa članom 18. Zakona o profesionalnoj rehabilitaciji F BiH, nisu osobama s invaliditetom dali taj novac nego su im uzeli radno mjesto i minimalno 1000 KM.

ODGOVORI NA ZASTUPNIČKO PITANJE 23.05.2023.godine

Zastupničko pitanje premijeru Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbijede sredstva prema ekonomskom kodu 613900-Posebna naknada za podsticanje rehabilitacije i zapošljavanje osoba s invaliditetom, tražim da SKS dostavi odgovor, odnosno podnese izvještaj za proteklu godinu kojiko je tih sredstava iskorišteno u odnosu na iznos predviđen Budžetom za 2022.godinu i detaljnu informaciju koliko je osoba s invaliditetom koristilo ova sredstva za navedene svrhe.

Istraživanje je izvršeno radi prikupljanja podataka i podizanja svijesti odgovornih i svih uposlenih u javnom sektoru koji su direktni učesnici u procesu donošenja odluka o upošljavanju, izrade novih sistematizacija kao i efekata i posljedica za osobe s invaliditetom ukoliko svako šesnaesto radno mjesto javnim pozivom za upošljavanje ne uposle osobu s invaliditetom.

Prema Zakonu o profesionalnoj rehabilitaciji, osposobljavanju i zapošljavanju lica sa invaliditetom ("Službene novine Federacije BiH", br. 9/10);

2. UVJETI ZA ZAPOŠLJAVANJE LICA SA INVALIDITETOM

a) ZAPOŠLJAVANJE POD OPĆIM UVJETIMA

Član 18.

Prilikom zapošljavanja lica s invaliditetom pod općim uvjetima subjekti iz člana 15. stav 2. ovog Zakona dužni su ta lica zapošljavati srazmjerno ukupnom broju zaposlenih u tom subjektu i to:

do 31. decembra 2009. najmanje jedno lice sa invaliditetom na svakih 39 zaposlenih,

do 31. decembra 2010. najmanje jedno lice sa invaliditetom na svaka 32 zaposlena,

do 31. decembra 2011. najmanje jedno lice sa invaliditetom na svaka 24 zaposlena,

do 31. decembra 2012. najmanje jedno lice sa invaliditetom na svakih 19 zaposlenih,

do 31. decembra 2013.godine najmanje jedno lice sa invaliditetom na svakih 16 zaposlenih.

Subjekti koji ne ispune obavezu iz stava 1. ovog člana dužni su mjesečno pri isplati plaća obračunati i uplatiti u Fond za podsticanje rehabilitacije i zapošljavanja lica sa invaliditetom novčani iznos u visini 25% od prosječne plaće u Federaciji za svako lice sa invaliditetom koje su bili dužni zaposliti u skladu sa stavom 1. ovog člana.

Prosječna isplaćena neto plaća za mjesec oktobar 2022.godine u Federaciji BiH iznosila je 1.139 KM , 25% od toga iznosa je **284,00 KM** (Preuzeto sa: <https://zis.ks.gov.ba/>)

Niko u dostavljenom odgovoru nije imao informaciju koliko je osoba koristilo sredstva koja se uplaćuju u te svrhe, te tako i ne mogu znati koliko su osobe sa invaliditetom, oštećene ako umjesto plaće od oko 1000,00 KM za radno mjesto koje im po Zakonu pripada, uplate u Fond 280 KM.

Također, nove sistematizacije radnih mjesta nisu dale skoro pa nikakav doprinos poboljšanju u rješavanju ovog problema za osobe sa invaliditetom i zbog toga je ovo moje istraživanje ujedno i inicijativa Fondu da pripremi i provede jednu edukativnu prezentaciju u javnim institucijama Kantona Sarajevo koliko zapravo 1 osoba sa invaliditetom ima koristi od 280,00 KM umjesto radnog mjesta i plaće koje im po Zakonu pripada a sve u svrhu podizanja svijesti o značaju ovog problema.

Podaci prikupljenih iz dostavljenih odgovora nisu nimalo ohrabrujući i zbog toga ovom inicijativom tražim da se provede program edukacije u svim javnim ustanovama."

U obrazloženju je dostavljen i tabelarni prikaz prikupljenih podataka s uvrštenim dostavljenim odgovorima na pitanje i podaci korišteni iz dokumenta Načrt budžeta za 2023. godinu.

ODGOVOR

Ministarstvo komunalne privrede, infrastrukture, prostornog uređenja, gradnja i zaštite okoliša Kantona Sarajevo (u daljem tekstu: Ministarstvo), trenutno ima 86 zaposlenih i u 2022. godini je u smislu odredbe člana 18. stav 2. Zakona o profesionalnoj rehabilitaciji, osposobljavanju i upošljavanju osoba s invaliditetom, izvršilo uplatu iznosa od 16.700,00 KM, fondu za podsticanje rehabilitacije i zapošljavanje lica sa invaliditetom.

U Budžetu Kantona Sarajevo za 2023. godinu, za ovo Ministarstvo, ekonomski kod 613900 - Posebna naknada za podsticanje rehabilitacije i zapošljavanje osoba s invaliditetom, planirana su sredstva u iznosu od 18.000.00 KM.

Činjenica je da ovo Ministarstvo nema informaciju koliko je osoba koristilo sredstva koja se uplaćuju u Fond za podsticanje rehabilitacije i zapošljavanje lica s invaliditetom, tim prije ako se ima u vidu da je Zakon o profesionalnoj rehabilitaciji, osposobljavanju i upošljavanju osoba s invaliditetom, federalni propis, te da je i Fond kao takav formiran za nivo Federacije BiH.

Ovo Ministarstvo prihvata da bude obuhvaćeno programom edukacije koji bi bio organizovan u saradnji stručnjaka iz oblasti ostvarivanja zakonskih prava u zapošljavanju osoba s invaliditetom i Fonda za podsticanje rehabilitacije i zapošljavanje lica s invaliditetom, s tim što je stava da bi za realizaciju navedene inicijative trebalo biti zaduženo resorno Ministarstvo za rad, socijalnu politiku, raseljena lica i izbjeglice Kantona Sarajevo.

S poštovanjem,

Dostaviti:

- Naslovu
- Službi za Skupštinske poslove Kantona Sarajevo
- Stručnoj službi Vlade Kantona Sarajevo
- Evidencija
- A/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086,

Fax: + 387 (0) 33 562-177

Web: <http://mkipgo.ks.gov.ba>, E-mail:

mkipgo@mkipgo.ks.gov.ba